

۱۹۲۶-۱۹۲۷ ۴۶۷ ۵۰

تورک یوردی

تورک ادبیاقلری مرکزی هیئت طرفندره نشر اولنور.

جلد ۳

تشرین اول ۱۳۴۱

نومرو ۱۳

و فورطنه کچرده قورتیله بیلیرسه کنز جناب حقت لطفنه بول بول شکر ایله مکدر .
(مارجلان) دن پامیرده (مرغاب) صوبی اوزرنده کی روسلرک اک ایلری
قره قولی (پامیر) قلعه سنه واصل اولمق ایچون کچیله جک اراضی آنجق بومدهش
اقلیمه متحمل قیرغیزلرک آياقلریله چیکنه نیر ؛ قارلر ، بوزلر ، فورطنه لر ، ظلمتلر
و علوتلر ساخه سی اولان بوقیرغیز وحشتکاهی حقنده صرف لسانی بر نقطه نظر دن

بعض جغرافی اسملرک بوراده ذکرینی فائده لی عدایدیورز :

مارجلاندن چیقنجه آلا ی داغلرندن (تنکیزبای) کچیدی ایله کچیلوب (قیزیل
صو) بونجه (آلا ی) وادیسی تعقب اولنوب ترانس آلا ی (آرقه آلا ی) داغلرینه
طیرمانیلیر . صو کره (قیزیل آریت) طریقله (قره کول) . اینیلیر ؛ بوکول
و (آق بایتال) کچیدی کچیله رک (مرغاب) اوزرنده پامیر قلعه سنه موصلت اولنور :

مارجلاندن	(اوچ قورغان) .	۲۳ میل
.	(آوستان)	۱۵ .
.	(لنکر)	$۲۶\frac{۱}{۳}$.
.	(تنکیزبای)	۱۷ .
.	(داراوت قورغان)	۱۶ .
.	(قیزیل اونغور)	$۱۲\frac{۱}{۳}$ »
.	(قاشقا صوبی) کورغوره	۱۷ .
.	(چینیق)	$۱۶\frac{۱}{۳}$.
.	(آرقه بولا ق)	۱۳ .
.	(کوچوک چای)	۳۶ .
.	(قره کول)	۳۰ .
.	(موز [بوز دیمکدر] قول)	۱۸ .
.	(آق بایتال)	۱۲ .
.	(رابات)	۱۵ .
.	(چیچکلی) یه	$۱۶\frac{۱}{۳}$.
.	(پامیر قلعه سی) نه	۱۷ .

مقاله مزك روشن شدن آكلاشیلدینی وجهله بز اورتہ آسیایہ ، مہیب پامیر یا یلاسی اتکترینہ قدر عادتاً سریع السیر برسیاح کبی یورودك ؛ مقصدیمز آنجق بھتمزك موضوعی اولای قیرغیزلرہ تصادف ایتدکجہ دورمق ، ممکن اولدینی قدر بونلرک اخلاق وعاداتی ، عنعنات قومیه لرینی ، آناتولی تورکلرینک لسانیلہ قیرغیز تورکجہسی لسانی آراسندہ کی شایان حیرت عینیتی تدقیق ایلہ مکدر . جوغرافیا اسملرینی بول بول ذکر دن مقصدیمزده آنجق بودر . بناءً علیہ بز دوغروندن دوغرویہ قیرغیزلر حنندہ صحیفہ لرلہ یازی یازمقدنسہ آنلری محیطلریلہ واورتہ آسیادہ یاشادقلری شرائط حیاتیہ لریلہ ، مدقق رسیاحتک کوردیکی شکل وترتیبده کوسترمکی دها صحیح و عملی بولدق . مثلاً پامیر یا یلاسی ، غوبی چولنی ایلك دفعہ برجسارت وغیرت غیر مسبوقة ایلہ کچمش واورتہ آسیا تورکلری ، قیرغیزلر ایچندہ اوج سنہ دن فضلہ - هر درلو شرائط تحتندہ - یاشامش اولان اسوہ چلی مشهور سیاح (سہوہن عدن) ی پامیر یا یلاسی اتکلرندہ تعقیب ایتمک بزہ قیرغیز حیاتندن چوق حقیقی لوحہ لر کوسترہ جکدر . تدارک ایتدیکی بر قیرغیز سیاحت کروانی وقیرغیز قلاغوزلرینہ فرغانہ ایالتک باشلیجہ شہری اولان (مارجلان) دن پامیر قلعه سنہ یوقاریدہ کوستر دیکمز سیاحت پروغرامی اوزرنده حرکت ایتمشدر .

« ۱۸۹۲ شباطنک ۲۲ بجی صباحندہ مارجلان (مارکلان) ہ الوداع دیدم و بندن اول یولہ چیقمش اولان لوازم کروانمہ یتیشہ بیلیمک اوزرہ بار کیریمی سوردم . کروانی اوج قورغان [اوج حدود قلعهسی] دہ بولدم . قطع ایتدیکمز مسافہ آنجق ۲۳ میل ایدی ، فقط بو قدر جق مسافہ داخلہ بیلہ سویۂ اراضی ۱۱۰۰ قدم فرق ایتمش ، یعنی سطح بھردن ۳۰۰۰ قدمہ واصل اولمشدی .

علی رضا سیفی

مابعدی وار